



**Broj predmeta:** 13-001449/21  
Broj akta: 02-1348NH-0026/21  
Datum, 4.10.2021. godine  
Mjesto, Brčko  
Int br 1385/21

Na osnovu člana 21. Zakona o Vladi Brčko distrikta Bosne i Hercegovine – prečišćen tekst (“Službeni glasnik Brčko distrikta BiH” broj: 22/18, 49/18, 8/19, 10/19 i 32/19), člana 20. Zakona o javnoj upravi Brčko distrikta Bosne i Hercegovine (“Službeni glasnik Brčko distrikta BiH” broj: 19/07, 2/08, 43/08, 9/13, 48/16), Odluke o usvajanju Budžeta Brčko distrikta Bosne i Hercegovine broj: 01-02-1580/21, od 31.03.2021. godine, člana 59. Zakona o Budžetu Brčko distrikta BiH (“Službeni glasnik Brčko distrikta BiH” broj: 13/20), Zakona o izvršenju Budžeta Brčko distrikta BiH za 2021. godinu (“Službeni glasnik Brčko distrikta BiH” broj: 04/21), Pravilnika o finansiranju i sufinansiranju programa i projekata od javnog interesa udruženja, fondacija i drugih pravnih i fizičkih lica (“Službeni glasnik Brčko distrikta BiH” broj: 10/21), Odluke o raspisivanju javnih poziva za finansiranje i sufinansiranje programa i projekata od javnog interesa broj: 13-001449/21, broj akta: 02-1348NH-0001/21, od 25.06.2021. godine, šef Odjeljenja za stručne i administrativne poslove **o b j a v l j u j e**:

## **J A V N I P O Z I V**

### **ZA FINANSIRANJE I SUFINANSIRANJE PRIJEDLOGA PROGRAMA I PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA**

#### **I Cilj**

Cilj Javnog poziva je finansiranje i sufinansiranje programa odnosno projekata od javnog interesa u oblasti socijalne zaštite, zaštite lica sa invaliditetom, društvene brige o djeci i mladima, pomoći starima, zaštite i promovisanja ljudskih prava, volonterstva, suzbijanja diskriminacije, nasilja u porodici i maloljetničkog nasilja, borbe protiv ovisnosti, zaštite životinja, zaštite potrošača, borbe protiv korupcije, promovisanja evropskih integracija kao i humanitarni i sličan rad.

#### **II Pravo učešća**

Na Javnom pozivu mogu učestvovati udruženja, fondacije i druga pravna i fizička lica koja su registrovana za obavljanje aktivnosti koje su vezane za program ili projekat od javnog interesa odnosno čiji ciljevi su saglasni sa ciljevima programa odnosno projekta od javnog interesa.

Članom 63. Stav (1) Zakona o Budžetu Brčko distrikta propisano je koja udruženja i fondacije, odnosno pravna i fizička lica nemaju pravo na učešće na javnom pozivu.

#### **III Opći i posebni kriteriji**

Izbor programa i projekata vrši se na osnovu općih i posebnih kriterija.

Opći kriteriji su:

- procjena usklađenosti ciljeva programa odnosno projekta sa ciljevima i prioritarnim područjima te strateškim i drugim planskim dokumentima razvoja Distrikta i planovima Odjeljenja, kako su opisani u javnom pozivu;
- kvalitet i sadržaj prijavljenog programa odnosno projekta;
- kvalitet dosadašnjeg rada, uspjesi i iskustva, te kontinuitet saradnje sa Odjeljenjem;

- d) neposredna društvena korist za zajednicu;
- e) finansijska i druga sposobnost za provođenje projekta te realan odnos troškova i očekivanih rezultata aktivnosti programa odnosno projekta;
- f) održivost rezultata programa odnosno projekta.
  
- g) Posebni kriteriji su:
  - h) dosadašnje iskustvo u provođenju programa i projekata financiranih iz istog ili drugih izvora;
  - i) organizovanost i broj članova udruženja, odnosno ekvivalentni kapaciteti pravnog odnosno fizičkog lica, odnosno broj lica koja bi učestvovala u realizaciji programa odnosno projekta;
  - j) angažman djece, mladih, žena, osoba sa invaliditetom u realizaciji programa odnosno projekta.

#### IV

#### **Prihvatljivi i neprihvatljivi troškovi provođenja programa odnosno projekta**

Prihvatljivi troškovi su troškovi koje je imao korisnik finansiranja, a koji ispunjavaju sve slijedeće kriterije:

- a) nastali su za vrijeme perioda provođenja programa odnosno projekta u skladu sa ugovorom;
- b) moraju biti navedeni u ukupnom predviđenom budžetu programa odnosno projekta od javnog interesa;
- c) nužni su za provođenje programa odnosno projekta od javnog interesa koji je predmetom dodjele finansijskih sredstava;
- d) mogu biti identifikovani i provjereni i koji su računovodstveno evidentirani kod korisnika finansiranja prema važećim propisima;
- e) trebaju biti umjereni, opravdani i usaglašeni sa zahtjevima racionalnog finansijskog upravljanja, osobito u odnosu na štedljivost i učinkovitost.
  - Troškovi navedeni u budžetu programa odnosno projekta od javnog interesa moraju se zasnovati na realnoj cijeni i/ili procjeni. Budžet programa odnosno projekta od javnog interesa mora biti planiran ekonomično i efikasno, tj. navedeni troškovi moraju biti neophodni za provođenje programa odnosno projekta od javnog interesa.
  - Direktni troškovi su oni troškovi koji su u direktnoj vezi s provođenjem i ostvarenjem ciljeva programa odnosno projekta od javnog interesa, odnosno direktno povezani s pojedinačnom aktivnosti programa odnosno projekta i kada se veza s tom pojedinačnom aktivnošću može pokazati.
  - U indirektno prihvatljive troškove ubrajaju se oni troškovi koji nastaju u okviru programa odnosno projekta, ali nisu u direktnoj vezi s ostvarenjem jednog ili više ciljeva programa odnosno projekta, odnosno nisu direktno povezani ili se ne mogu povezati s pojedinačnom aktivnošću programa odnosno projekta. Takvi troškovi uključuju i troškove za koje je teško utvrditi tačan iznos koji se može pripisati određenoj aktivnosti odnosno troškove kod kojih je iznos moguće procijeniti samo izračunom po posebnoj metodologiji. Uz navedeno, indirektno troškove čine: troškovi usluga računovodstva, troškovi usluga čišćenja, troškovi telefona, vode, električne energije, najma uredskog prostora u dijelu koji se koristi za upravljanje projektom, troškovi poštarine, uredski materijal i slično.

**Indirektni troškovi nosilaca programa odnosno projekata koji se mogu odobriti, izračunavaju se primjenom fiksne stope do 15% od prihvatljivih direktnih troškova.**

Neprihvatljivim troškovima smatraju se:

- a) dugovi i stavke za pokrivanje gubitka, dugova, kazni i slično;
- b) dospjele kamate;
- c) stavke koje se već finansiraju iz javnih izvora;
- d) kupovina zemljišta ili građevina, osim kada je to nužno za direktno provođenje programa odnosno projekata;
- e) gubici na kursnim razlikama;
- f) zajmovi trećim stranama.

- g) pokloni (osim kada je to nužno za direktno provođenje programa odnosno projekta aplikacija koji su registrovani za obavljanje humanitarnih aktivnosti),
- h) kupovina vozila (osim ako je to nužno za direktno provođenje programa, odnosno projekta),
- i) lično životno osiguranje,
- j) ostale isplate koje nisu predviđene relevantnim zakonskim propisima.

## V

### Spisak neophodne dokumentacije za učešće na javnom pozivu

Pravna i fizička lica iz člana II koja podnose prijave za učešće na javnom pozivu dužna su dostaviti :

- a) prijavu na javni poziv (aneks II) uz naznaku u okviru aneksa:
  - da li se radi o kandidovanju programa ili projekta i
  - naziv programa odnosno projekta;
- b) prijedlog programa i projekta od javnog interesa (aneks III);
- c) potpisan i ovjeren budžet programa i projekta od javnog interesa (aneks IV);
- d) logičku matricu (aneks V);
- e) izjavu o partnerstvu sa drugim organizacijama i licima, ukoliko više pravnih i fizičkih lica učestvuje zajedno u podnošenju prijave (aneks VI);
- f) potpisanu izjavu o nepostojanju okolnosti koje zabranjuju učešće pravnog ili fizičkog lica na javnom pozivu;
- g) potpisanu izjavu nosioca programa odnosno projekta da nije dobio sredstva za finansiranje odnosno sufinansiranje programa odnosno projekta od drugog budžetskog korisnika;
- h) dokaz o izmirenim poreznim obavezama ili sporazum zaključen sa Poreznom upravom o odgodi plaćanja neizmirenih poreznih obaveza pravnog i fizičkog lica;
- i) kopija važećeg statuta, ovjerenog od strane relevantne institucije kod koje je aplikant registrovan (za pravna lica);
- j) kopija Rješenja o registraciji sa svim pripadajućim priložima (za pravna lica);
- k) aktuelni izvod iz registra pravnih ili fizičkih lica nosilaca ili partnera nosilaca predloženog programa odnosno projekta od javnog interesa koji nije stariji od tri mjeseca.

Ukoliko prijavu podnosi fizičko lice, dužno je dostaviti kopiju identifikacionog dokumenta, te popunjene i potpisane obrasce, neophodne za učešće na Javnom pozivu.

Nepotpune, nepravovremene i prijave podnesene od neovlaštenog lica neće biti uzete u razmatranje.

## VI

### Finansijski okvir

Ukupna vrijednost sredstava koja se dodjeljuju za finansiranje odnosno sufinansiranje programa odnosno projekata od javnog interesa po ovom Javnom pozivu utvrđena su Budžetom Brčko distrikta BIH za 2021. godinu, na organizacionom kodu 15010001 – Pododjeljenje za podršku MZ, NVO i UG, ekonomski kod: 614300 – Tekuće donacije neprofitnim organizacijama i iznose **280.000,00 KM**, i to za:

- a) finansiranje programa od javnog interesa u oblasti zaštite i promovisanja ljudskih prava, oblasti socijalne zaštite, pomoći starima i humanitarnog i sličnog rada;
- b) finansiranje projekata od javnog interesa u oblasti društvene brige o djeci i mladima, zaštite lica sa invaliditetom, volonterstva, nasilja u porodici i maloljetničkog nasilja, borbe protiv ovisnosti, suzbijanja diskriminacije, Evropskih integracija, zaštite potrošača, zaštite životinja i borbe protiv korupcije.

Minimalni iznos sredstava po programu odnosno projektu će iznositi 2.000,00 KM, a maksimalni iznos po programu do 50.000,00 KM a po projektu do 30.000,00 KM.

Minimalni procentualni iznos koji se može odobriti je 20% a maksimalni 30%, za sufinansiranje iznosa već odobrenih projekata.

**Maksimalni iznos za pokriće administrativnih troškova (sredstva rezervi za neplanirane situacije u svrhu realizacije projekta i programa) je 7% od ukupnog iznosa dobijenih sredstava.**

## VII

### Način bodovanja

Komisija boduje podnesene prijedloge programa odnosno projekta prema općim i posebnim kriterijima i to vrednovanjem pojedinačnog kriterija ocjenom od 1 do 10 bodova.

Ukupni broj bodova za ocjenu prijavljenog programa odnosno projekta iznositi će ukupni zbirni broj bodova članova Komisije, prema općim i posebnim kriterijima.

Finansiranje odnosno sufinansiranje programa odnosno projekta neće biti odobreno ako prijavljeni program odnosno projekat u postupku bodovanja ne ostvari minimalno 70% (sedamdeset posto) maksimalnog broja bodova prema kriterijima za ocjenu.

## VIII

### Vrijeme trajanje programa odnosno projekta

Svi prijedlozi programa odnosno projekata koji budu odobreni po ovom Javnom pozivu moraju biti realizovani najkasnije do 31.08.2022.godine.

## IX

### Način prijavljivanja

Obrazac prijave sa popratnom dokumentacijom, za učešće na Javnom pozivu možete preuzeti na web stranici: [www.vlada.bdcentral.net](http://www.vlada.bdcentral.net).

Prijave za učešće na Javnom pozivu popuniti isključivo u elektronskoj formi i dostaviti u zatvorenoj kovrti, sa naznakom: **“PRIJAVA NA JAVNI POZIV ZA FINANSIRANJE I SUFINANSIRANJE PROGRAMA I PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA OD STRANE ODJELJENJA ZA STRUČNE I ADMINISTRATIVNE POSLOVE – NE OTVARATI, OTVARA KOMISIJA”**. Sa druge strane koverte navesti naziv aplikanta, te prijavu dostaviti, putem protokola Vlade Brčko distrikta BiH, Odjeljenju za stručne i administrativne poslove ili putem pošte na adresu:

**Odjeljenje za stručne i administrativne poslove  
Bulevar mira br. 1, Brčko distrikt BiH**

Za sve potrebne informacije možete se obratiti putem e-maila:

Srdan Kisić: [srdjan.kisic@bdcentral.net](mailto:srdjan.kisic@bdcentral.net)

Amir Karamujić: [amir.karamujic@bdcentral.net](mailto:amir.karamujic@bdcentral.net).

Ostale napomene:

Javni poziv ostaje otvoren petnaest (15) dana od dana objavljivanja, zaključno sa 19.10.2021. godine i biće objavljen na internet stranici Vlade Brčko distrikta BiH: [www.vlada.bdcentral.net](http://www.vlada.bdcentral.net).

**Jedan aplikant može kandidovati jedan program odnosno projekat po ovom Javnom pozivu.**

Samo prijave koje su u skladu sa Javnim pozivom će biti uzete u razmatranje za dodjelu sredstava.

Odabir programa odnosno projekata koji će biti finansirani po javnom pozivu vrši Komisija na osnovu kriterija iz člana III, i rang listu odabranih programa odnosno projekata dostavlja šefu Odjeljenja na odlučivanje.

Rezultati Javnog poziva, odnosno odabira programa ili projekta će biti objavljeni na internet stranici Vlade Brčko distrikta BiH.

Odjeljenje će na sve pristigle prijave po ovom Javnom pozivu dostaviti pisano obavještenje o izboru programa odnosno projekta, kao i obrazloženje o razlozima neprihvatanja programa odnosno projekta.

**Planirani datum donošenja Odluke o finansiranju ili sufinansiranju programa, odnosno projekata je 19.11.2021. godine, koja će biti objavljena na zvaničnoj internet stranici Vlade Brčko distrikta BiH a predviđeni rok za zaključivanje ugovora sa nosiocima odobrenih programa, odnosno projekata je najkasnije 14 dana od dana donošenja Odluke.**

**ŠEF ODJELJENJA  
Mr. Sc. Nedim Hamzabegović**

**DOSTAVITI:**

1. Medijima,
2. Oglasna tabla Vlade Vlade Brčko Distrikta BiH
3. Sektor za informisanje /web urednik/
4. Evidenciji
5. A/a